

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎ

**18 սեպտեմբերի 2021թ.
ք. Երևան**

N 221-Ա

Ո Ր Ո Շ ՈՒ Մ

**ԳՅՈՒՄՐՈՒ ԱՎԱԳԱՆՈՒ 2021 ԹՎԱԿԱՆԻ ՀՈԿՏԵՄԲԵՐԻ 17-Ի
ԸՆՏՐՈՒԹՅՈՒՆՆԵՐԻՆ ՄԱՍՆԱԿՑՈՂ ԿՈՒՍԱԿՑՈՒԹՅՈՒՆՆԵՐԻՆ,
ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔՆԵՐԻՆ ՀԱՆՐԱՅԻՆ
ՀԵՌՈՒՍՏԱՏԵՍՈՒԹՅԱՄԲ ԵՎ ՀԱՆՐԱՅԻՆ ՌԱԴԻՈՅՈՎ, ԻՆՉՊԵՍ ՆԱԵՎ
ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՀԻՄՆԱԴՐՎԱԾ ՀԱՆՐԱՅԻՆ
ՄՈՒԼՏԻՊԼԵՔՍԻ՝ ՇԻՐԱԿԻ ՄԱՐԶՈՒՄ ՍՓՌՈՒՄ ԱՊԱՀՈՎՈՂ ՍԼՈԹԻ
ՕԳՏԱԳՈՐԾՄԱՆ ԼԻՑԵՆԶԻԱ ՈՒՆԵՑՈՂ ՀԵՌԱՐՁԱԿՈՂԻ ԿՈՂՄԻՑ ԵԹԵՐԱԺԱՄ
ՏՐԱՄԱԴՐԵԼՈՒ ԿԱՐԳԸ ԵՎ ԺԱՄԱՆԱԿԱՑՈՒՅՑԸ ՍԱՀՄԱՆԵԼՈՒ ՄԱՍԻՆ**

Ղեկավարվելով «Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքի 20-րդ հոդվածի 2-րդ մասով, 138-րդ հոդվածի 1-ին մասով՝ Հայաստանի Հանրապետության կենտրոնական ընտրական հանձնաժողովը

Ո Ր Ո Շ ՈՒ Մ Է.

1. Սահմանել Գյումրու ավազանու 2021 թվականի հոկտեմբերի 17-ի ընտրություններին մասնակցող կուսակցություններին, կուսակցությունների դաշինքներին՝

1) հանրային հեռուստատեսությամբ և հանրային ռադիոյով, ինչպես նաև Հայաստանի Հանրապետությունում հիմնադրված հանրային մուլտիպլեքսի՝ Շիրակի մարզում սփռում ապահովող սլոթի օգտագործման լիցենզիա ունեցող հեռարձակողի կողմից եթերաժամ տրամադրելու կարգը՝ համաձայն N 1 հավելվածի,

2) հանրային հեռուստատեսությամբ անվճար և վճարովի եթերաժամ տրամադրելու ժամանակացույցը՝ համաձայն N 2 հավելվածի:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԸՆՏՐԱԿԱՆ
ՀԱՆՁՆԱԺՈՂՈՎԻ ՆԱԽԱԳԱՀ**

S. Մուկուչյան

Կ Ա Ր Գ

**ԳՅՈՒՄՐՈՒ ԱՎԱԳԱՆՈՒ 2021 ԹՎԱԿԱՆԻ ՀՈԿՏԵՄԲԵՐԻ 17-Ի
ԸՆՏՐՈՒԹՅՈՒՆՆԵՐԻՆ ՄԱՍՆԱԿՑՈՂ ԿՈՒՍԱԿՑՈՒԹՅՈՒՆՆԵՐԻՆ,
ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔՆԵՐԻՆ ՆԱԽԸՆՏՐԱԿԱՆ ՔԱՐՈՉՉՈՒԹՅԱՆ
ԺԱՄԱՆԱԿ ՀԱՆՐԱՅԻՆ ՀԵՌՈՒՍՏԱՏԵՍՈՒԹՅԱՄԲ ԵՎ ՀԱՆՐԱՅԻՆ
ՈԱԴԻՈՅՈՎ, ԻՆՉՊԵՍ ՆԱԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ
ՀԻՄՆԱԴԻՎԱԾ ՀԱՆՐԱՅԻՆ ՄՈՒԼՏԻՊԼԵՔՍԻ՝ ՇԻՐԱԿԻ ՄԱՐԶՈՒՄ ՍՓՈՒՍ
ԱՊԱՀՈՎՈՂ ՍԼՈԹԻ ՕԳՏԱԳՈՐԾՄԱՆ ԼԻՑԵՆԶԻԱ ՈՒՆԵՑՈՂ ՀԵՌԱՐՁԱԿՈՂԻ
ԿՈՂՄԻՑ ԵԹԵՐԱԺԱՄ ՏՐԱՄԱԴԵԼՈՒ**

1. Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցություններին, կուսակցությունների դաշինքներին (այսուհետ՝ կուսակցություն) նախընտրական քարոզչության ժամանակ հանրային հեռուստատեսությամբ և (կամ) հանրային ռադիոյով եթերաժամ տրամադրվում է հավասար պայմաններով՝ «Հայաստանի Հանրապետության ընտրական օրենսգիրք» Հայաստանի Հանրապետության սահմանադրական օրենքի (այսուհետ՝ Ընտրական օրենսգիրք) և սույն կարգի պահանջներին համապատասխան:

2. Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցությանը նախընտրական քարոզչություն իրականացնելու նպատակով հանրային հեռուստատեսությամբ եթերաժամ տրամադրվում է ժամը 18:30-ից՝ որոշման N 2 հավելվածով սահմանված ժամանակացույցին համապատասխան:

3. Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցությանը նախընտրական քարոզչություն իրականացնելու նպատակով հանրային ռադիոյով եթերաժամ տրամադրվում է ժամը 13:30-ից:

4. Տեխնիկական անհրաժեշտությունից ելնելով, հանրային հեռուստատեսության կամ հանրային ռադիոյի կողմից նշված ժամանակահատվածը կարող է տեղաշարժվել, բայց ոչ ավելի, քան 30 րոպե՝ որոշման N 2 հավելվածով սահմանված ժամանակացույցին համապատասխան:

5. Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցությանը նախընտրական քարոզչություն իրականացնելու նպատակով սույն կարգի 2-րդ կետով սահմանված ժամանակահատվածում հանրային հեռուստատեսությունը տրամադրում է քարոզչության յուրաքանչյուր օրվա համար 1 րոպե անվճար եթերաժամ:

Յուրաքանչյուր օրվա համար կարող է տրամադրվել մինչև 1 թույլ եթերաժամ վճարովի հիմունքներով:

6. Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցությանը, նախընտրական քարոզչություն իրականացնելու նպատակով, սույն կարգի 3-րդ կետով սահմանված ժամանակահատվածում, հանրային ռադիոն տրամադրում է քարոզչության յուրաքանչյուր օրվա համար 1 թույլ անվճար եթերաժամ:

Յուրաքանչյուր օրվա համար կարող է տրամադրվել մինչև 1 թույլ եթերաժամ վճարովի հիմունքներով:

7. Հանրային հեռուստատեսության կամ հանրային ռադիոյի վճարովի եթերաժամը տրամադրվում է անվճար եթերաժամանակի հետ միաժամանակ՝ անվճար եթերաժամանակի համար սահմանված հերթին համապատասխան:

8. Նախընտրական քարոզչություն իրականացնելու նպատակով հեռուստատեսային եթերաժամը տրամադրվում է «Հայաստանի հանրային հեռուստաընկերություն» ՓԲ ընկերության «Հանրային հեռուստաընկերության առաջին ալիք» ծրագրով, իսկ ռադիոեթերաժամը՝ «Հայաստանի հանրային ռադիոընկերություն» ՓԲ ընկերության «Առաջին ծրագիր» ռադիոծրագրով (Հայաստանի հանրային ռադիոընկերության 69.7 ՄՀց գերկարճ և FM հանրապետական ցանցով):

9. Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցության ներկայացուցիչներին նախընտրական քարոզչություն իրականացնելու նպատակով հանրային հեռուստատեսությամբ կամ հանրային ռադիոյով տրամադրվում է ուղիղ եթեր, նրանց ցանկությամբ՝ նաև հաղորդավարի մասնակցությամբ, կամ հեռարձակվում է կուսակցության կողմից ներկայացված տեսաերիզը (ձայներիզը): Հաղորդավար տրամադրվելու դեպքում պահպանվում է լրագրողի գործունեության ազատության սկզբունքը:

10. Եթերաժամը տրամադրվում է ըստ կուսակցությունների կողմից նախապես ներկայացված հայտերի՝ հանրային հեռուստատեսության կամ հանրային ռադիոյի և Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցության միջև սույն կարգին համապատասխան կնքված պայմանագրի հիման վրա, որը բոլոր կուսակցությունների համար պետք է սահմանի հավասար պայմաններ:

11. Եթերաժամ տրամադրելու համար պայմանագիր կնքելիս ընտրություններին մասնակցող կուսակցության անունից կարող է հանդես գալ կուսակցության լիազոր ներկայացուցիչը կամ կուսակցության կողմից լիազորված այլ անձ: Պայմանագիր կնքելու համար ներկայացվում է կուսակցության լիազոր ներկայացուցչի վկայականի լուսապատճենը կամ կուսակցության կողմից տրված լիազորագիրը, լիազոր ներկայացուցչի կամ լիազորված անձի անձնագիրը, վճարովի հիմունքներով եթերաժամից օգտվելու համար՝ նաև կուսակցության նախընտրական

հիմնադրամի ժամանակավոր հատուկ հաշվեհամարը: Հայաստանի հանրային հեռուստաընկերության հետ պայմանագիր կնքելու համար կուսակցությունը պետք է դիմի՝ ք. Երևան, Նորք, Գ. Հովսեփյան 26 հասցեով (հեռ. (010) 65-00-15 (238), +374 91 51-61-54, էլ. փոստ simon.farmanyan@1tv.am), իսկ Հայաստանի հանրային ռադիոընկերության հետ պայմանագիր կնքելու համար՝ ք. Երևան, Ալեք Մանուկյան 5 հասցեով (հեռ. (010) 57-09-70):

Պայմանագիրը պետք է կնքվի առաջին եթերաժամից ոչ ուշ, քան 1 օր առաջ:

Գրանցումն ուժը կորցրած կամ անվավեր ճանաչվելու պահից ընտրություններին մասնակցող կուսակցությունների հետ կնքած՝ նախընտրական քարոզչության նպատակով եթեր տրամադրելու պայմանագրերը համարվում են ուժը կորցրած, և դադարեցվում է նախընտրական քարոզչության նպատակով եթերի տրամադրումը:

12. Ուղիղ եթերից օգտվելու դեպքում կուսակցության ներկայացուցիչը համապատասխանաբար Հայաստանի հանրային հեռուստաընկերությանը (ք. Երևան, Նորք, Գ. Հովսեփյան 26) կամ Հայաստանի հանրային ռադիոընկերությանը (ք. Երևան, Ալեք Մանուկյան 5, Ռադիոտուն) գրավոր պետք է տեղեկացնի համապատասխան օրվա մինչև ժամը 12.00-ն և ներկայանա հերթական եթերաժամից առնվազն 30 րոպե առաջ:

Տեսանյութեր հեռարձակելու դեպքում այդ տեսանյութերը պետք է ներկայացվեն Հայաստանի հանրային հեռուստաընկերություն (ք. Երևան, Նորք, Գ. Հովսեփյան 26) ոչ ուշ, քան համապատասխան տեսանյութը հեռարձակելու օրվա ժամը 16:00 և պետք է համապատասխանեն հետևյալ տեխնիկական պահանջներին՝

Ֆորմատ՝ MXF

Video – HD 1920 x 1080

Frame rate - 50i (25 fps)

Video Bit Rate – 35 Mbps, VBR

Ձայներիզներ հեռարձակելու դեպքում այդ ձայներիզները «WAV» կամ «MP3» ֆորմատով պետք է ներկայացվեն Հայաստանի հանրային ռադիոընկերություն (ք. Երևան, Ալեք Մանուկյան 5, Ռադիոտուն) նախընտրական քարոզչության համար սահմանված եթերաժամի սկզբից առնվազն 2 ժամ առաջ:

13. Հանրային հեռուստատեսության կամ հանրային ռադիոյի եթերաժամը որոշման N 2 հավելվածով սահմանված ժամանակացույցերին համապատասխան չօգտագործելու դեպքում կուսակցությանը դրա փոխարեն այլ եթերաժամ չի տրամադրվում:

14. Հանրային հեռուստատեսությամբ կամ հանրային ռադիոյով նախընտրական քարոզչություն իրականացնելու նպատակով կուսակցությանը տրամադրված եթերաժամն այլ կուսակցության կամ նրա ներկայացուցչի կողմից օգտագործվել չի կարող:

15. Հանրային հեռուստատեսության կամ հանրային ռադիոյի վճարովի հիմունքներով եթերաժամից օգտվելու համար վճարումները կատարվում են համապատասխան կուսակցության հիմնադրամի միջոցներից՝ անկանխիկ (փոխանցումով):

16. Հանրային հեռուստատեսության կամ հանրային ռադիոյի կողմից կուսակցությանը վճարովի հիմունքներով եթերաժամ տրամադրվում է, եթե մինչև եթերաժամի սկիզբը համապատասխանաբար հանրային հեռուստատեսություն կամ հանրային ռադիո ներկայացվել է բանկի անկանխիկ վճարման (փոխանցման) հանձնարարականը:

17. Նախընտրական քարոզչությանը վերաբերող ռադիոհաղորդումները և հեռուստահաղորդումները վերգետնյա եթերային հեռարձակում իրականացնելիս ձայնագրվում և տեսագրվում են: Դրանք պահպանվում են առնվազն երեք ամիս:

Արգելվում է նախընտրական քարոզչությանը վերաբերող ռադիոհաղորդումները և հեռուստահաղորդումներն ընդմիջել առևտրային գովազդով:

18. Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցությանը նախընտրական քարոզչություն իրականացնելու նպատակով Հայաստանի Հանրապետությունում հիմնադրված հանրային մուլտիպլեքսի՝ Շիրակի մարզում սփռում ապահովող սլոթի օգտագործման լիցենզիա ունեցող հեռարձակողի կողմից անվճար եթերաժամ տրամադրվում է ժամը 18:00-ից:

Անվճար եթերաժամը տրամադրվում է սեպտեմբերի 26-ից մինչև հոկտեմբերի 15-ը՝ յուրաքանչյուր օրվա համար 1 րոպե տևողությամբ:

Անվճար եթերաժամը տրամադրվում է սույն կարգին համապատասխան՝ սույն որոշման 2-րդ հավելվածով սահմանված հերթականությամբ:

19. Հայաստանի Հանրապետությունում հիմնադրված հանրային մուլտիպլեքսի՝ Շիրակի մարզում սփռում ապահովող սլոթի օգտագործման լիցենզիա ունեցող հեռարձակողի կողմից Գյումրու ավագանու 2021 թվականի հոկտեմբերի 17-ի ընտրություններին մասնակցող կուսակցությանը նախընտրական քարոզչություն իրականացնելու նպատակով կարող է տրամադրվել վճարովի հիմունքներով եթերաժամանակ քարոզչության ողջ ժամանակահատվածում՝ բոլոր կուսակցությունների համար ապահովվելով միատեսակ պայմաններ:

Եթե նույն օրվա ընթացքում վճարովի հիմունքներով եթերաժամանակ է տրամադրվելու մեկից ավելի կուսակցությունների և առկա չէ համաձայնություն հեռարձակման հերթականության վերաբերյալ, ապա հեռարձակումն իրականացվում է սույն որոշման 2-րդ հավելվածով սահմանված հերթականությամբ:

20. Հայաստանի Հանրապետությունում հիմնադրված հանրային մուլտիպլեքսի՝ Շիրակի մարզում սփռում ապահովող սլոթի օգտագործման լիցենզիա ունեցող հեռարձակողի հետ պայմանագիր կնքելու համար կուսակցությունը պետք է դիմի՝ ք. Գյումրի, Ղանդիլյան 53/3 հասցեով (հեռ. 098 901293, 093 901292):

Տեսանյութեր հեռարձակելու դեպքում այդ տեսանյութերը պետք է ներկայացվեն ոչ ուշ, քան համապատասխան տեսանյութը հեռարձակելու օրվա ժամը 16:00 և պետք է համապատասխանեն հետևյալ տեխնիկական պահանջներին՝

Format PAL 720 x 576

Frame rate - 25 fps

Video Bit Rate-6.00 Mbps,VBR:

Ժ Ա Մ Ա Ն Ա Կ Ա Ց Ո Ւ Յ Ց

Գյումրու ավագանու 2021 թվականի հոկտեմբերի 17-ի ընտրություններին գրանցված կուսակցություններին, կուսակցությունների դաշինքներին Հանրային հեռուստատեսությամբ և հանրային ռադիոյով եթերաժամ տրամադրելու

| ԱՄԻՍ | ՍԵՊՏԵՄԲԵՐ | | | | | | | | | | ՀՈԿՏԵՄԲԵՐ | | | | | | | | | | | | | | | | |
|---|--|----|----|----|----|----|----|----|----|----|-----------|----|----|----|----|----|----|----|----|----|----|----|----|----|----|--|--|
| | ՕՐԸ | 22 | 23 | 24 | 25 | 26 | 27 | 28 | 29 | 30 | 1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | | |
| ԿՈՒՍԱԿՑՈՒԹՅՈՒՆՆԵՐԻ, ԿՈՒՍԱԿՑՈՒԹՅՈՒՆՆԵՐԻ ԴԱՇԻՆՔՆԵՐԻ ԱՆՎԱՆՈՒՄԸ | Ն ա խ ը ն տր ա կ ա ն ք ա ր ո զ չ ու թ յ ա ն ե թ եր ա ժ ա մ ի տր ա մ ա դր մ ա ն հ եր թ ա կ ա ն ու թ յ ո ն ը | | | | | | | | | | | | | | | | | | | | | | | | | | |
| 1. «ՀԱՅՐԱՔԱՂԱՔ» ԴԱՇԻՆՔ | 4 | 8 | 6 | 6 | 6 | 2 | 5 | 5 | 6 | 7 | 9 | 1 | 6 | 8 | 2 | 2 | 7 | 7 | 2 | 5 | 8 | 1 | 4 | 5 | | | |
| 2. «ԱՐԺԱՆԱՊԱՏԻՎ ՈՒՂԻ» ԿՈՒՍԱԿՑՈՒԹՅՈՒՆ | 7 | 2 | 10 | 2 | 5 | 8 | 6 | 3 | 3 | 5 | 1 | 5 | 3 | 10 | 4 | 3 | 5 | 3 | 6 | 6 | 1 | 5 | 9 | 10 | | | |
| 3. ՀԱՅԱՍՏԱՆԻ ՀԱՆՐԱՊԵՏԱԿԱՆ ԿՈՒՍԱԿՑՈՒԹՅՈՒՆ | 8 | 6 | 8 | 3 | 10 | 1 | 8 | 10 | 8 | 6 | 7 | 9 | 8 | 7 | 5 | 6 | 10 | 2 | 7 | 1 | 10 | 6 | 3 | 2 | | | |
| 4. «ՔԱՂԱՔԱՑԻԱԿԱՆ ՊԱՅՄԱՆԱԳԻՐ» ԿՈՒՍԱԿՑՈՒԹՅՈՒՆ | 9 | 3 | 9 | 10 | 3 | 5 | 2 | 2 | 5 | 8 | 5 | 2 | 2 | 2 | 7 | 10 | 3 | 5 | 9 | 4 | 6 | 3 | 5 | 3 | | | |
| 5. «ԶԱՐԹՈՒՔ» ԱԶԳԱՅԻՆ ՔՐԻՍՏՈՆԵԱԿԱՆ ԿՈՒՍԱԿՑՈՒԹՅՈՒՆ | 2 | 5 | 7 | 1 | 1 | 10 | 9 | 8 | 9 | 10 | 4 | 10 | 9 | 5 | 10 | 1 | 8 | 6 | 10 | 3 | 7 | 8 | 6 | 7 | | | |
| 6. ՀԱՅԱՍՏԱՆԻ ԿՈՄՈՒՆԻՍՏԱԿԱՆ ԿՈՒՍԱԿՑՈՒԹՅՈՒՆ | 6 | 1 | 4 | 9 | 2 | 7 | 10 | 6 | 4 | 2 | 2 | 3 | 10 | 6 | 8 | 8 | 1 | 9 | 4 | 8 | 5 | 10 | 8 | 9 | | | |
| 7. «ԳՅՈՒՄՐԻՆ ԿՈՆԱ» ԴԱՇԻՆՔ | 5 | 7 | 3 | 4 | 4 | 9 | 4 | 1 | 2 | 4 | 8 | 7 | 4 | 3 | 1 | 9 | 2 | 4 | 8 | 9 | 2 | 7 | 10 | 6 | | | |
| 8. «ԲԱԼԱՍԱՆՅԱՆ ԴԱՇԻՆՔ» ՍՈՑԻԱԼԱԿԱՆ ԿՈՒՍԱԿՑՈՒԹՅՈՒՆ | 10 | 4 | 5 | 5 | 9 | 3 | 1 | 4 | 7 | 3 | 3 | 8 | 5 | 4 | 3 | 4 | 6 | 1 | 3 | 7 | 9 | 4 | 7 | 8 | | | |
| 9. «ԹԱՍԻԲՈՎ» ԴԱՇԻՆՔ | 3 | 10 | 2 | 8 | 7 | 4 | 7 | 9 | 1 | 9 | 6 | 6 | 7 | 9 | 6 | 5 | 9 | 10 | 5 | 10 | 3 | 2 | 2 | 4 | | | |
| 10. «ԱՊՐԵԼՈՒ ԵՐԿԻՐ» ԿՈՒՍԱԿՑՈՒԹՅՈՒՆ | 1 | 9 | 1 | 7 | 8 | 6 | 3 | 7 | 10 | 1 | 10 | 4 | 1 | 1 | 9 | 7 | 4 | 8 | 1 | 2 | 4 | 9 | 1 | 1 | | | |

Ծանոթություն 1. Աղյուսակի «Նախընտրական քարոզչության եթերաժամի տրամադրման հերթականությունը» մասի սյունակներում նշված 1-ից 10-ը թվերը եթերաժամի տրամադրման հերթականությունն է: